


PRUDENTIAL BSN

TAKAFUL

# TAKAFULINK DANA AKTIF

HELAIAN FAKTA DANA UTAMA 2022



## TAKAFUL & KAMI

---

Takaful secara harfiah bermaksud tanggungjawab, jaminan, jaminan kolektif dan usaha bersama. Secara umum, takaful diasaskan pada pengaturan kerjasama (*Ta'awun*) berdasarkan prinsip-prinsip bersama dan solidariti, merangkumi unsur-unsur indemniti dan kepentingan bersama. Takaful ditakrifkan di bawah Seksyen 2 Akta Perkhidmatan Kewangan Islam 2013, iaitu perkiraan berasaskan pertolongan secara kolektif yang di bawahnya peserta takaful bersetuju menyumbang kepada suatu kumpulan wang yang sama bagi menyediakan manfaat kewangan bersama untuk dibayar kepada peserta takaful itu atau kepada benefisiarinya pada masa berlaku sesuatu kejadian yang telah dipersetujui terdahulu.

Bergantung pada model takaful yang diluluskan, caruman peserta akan disalurkan ke dana berasingan untuk pelaburan. Dana-dana\* kami hanya dilaburkan di dalam pelaburan patuh Syariah, dalam dan luar negara. Setiap pelaburan dibuat selepas mengambil kira risiko dan pulangan yang terlibat.

Di Prudential BSN Takaful Berhad (PruBSN), kami mendukung nilai-nilai ini melalui amalan profesional bagi menyediakan segala keperluan peserta. Nilai-nilai ini amat jelas dalam setiap transaksi sekaligus menjadikan kami sebagai pilihan berhemat.

Melalui rangkaian agensi dan rakan niaga, kami menyediakan pelbagai produk inovatif yang melindungi setiap aspek kehidupan anda. Daripada perlindungan ke simpanan dan keperluan kerohanian, setiap produk kami dicipta untuk memberikan ketenangan minda anda.

\* *Dana-dana Takafulink adalah instrumen pelaburan patuh Syariah.*

## TAKAFULINK DANA AKTIF

Ciri-ciri Dana	
Objektif Pelaburan	Takafulink Dana Aktif (Dana) bertujuan untuk menyediakan peningkatan nilai modal dengan melabur dalam sekuriti patuh Syariah syarikat-syarikat permodalan pasaran kecil yang berpotensi untuk berkembang.
Strategi Pelaburan & Pendekatan	<p>Dana bertujuan untuk mencapai objektif dengan melabur dalam skim pelaburan kolektif Islamik (Dana Sasaran) yang melabur dalam sekuriti patuh Syariah syarikat permodalan pasaran kecil yang berpotensi untuk berkembang.</p> <p>Dana Sasaran akan dipantau untuk menilai prestasi, proses, kaedah dan kedudukan. Peruntukan atau Dana Sasaran mungkin berubah jika dianggap tidak sesuai untuk memenuhi objektif Dana.</p> <p><i>Nota: Rujuk kepada pendedahan tambahan untuk butiran Dana Sasaran.</i></p>
Peruntukan Aset	<ul style="list-style-type: none"><li>• Sehingga 100% Nilai Aset Bersih (NAV) Dana dalam Dana Sasaran; dan</li><li>• Baki NAV Dana yang tidak dilaburkan di dalam Dana Sasaran akan dilaburkan dalam instrumen pasaran wang Islamik.</li></ul>
Tanda Aras Prestasi	<p>Indeks Syariah FTSE Bursa Malaysia Small-Cap</p> <p><i>Nota: Aras tanda prestasi Dana sebelum ini di aras tandakan berbanding dengan aras tanda komposit 80% Indeks Syariah FTSE Bursa Malaysia Small-Cap + 20% Indeks Syariah FTSE Bursa Malaysia EMAS; walaubagaimanapun, ia akan digantikan dengan Indeks Syariah FTSE Bursa Malaysia Small-Cap berkuatkuasa pada 1 Februari 2023.</i></p>
Pengurus Dana	Eastspring Al-Wara' Investments Berhad (200901017585 (860682-K))
Yuran & Caj	
Caj Wakalah Pengurusan Aset	1.5% setahun
Caj Lain, jika ada	TIADA

# TAKAFULINK DANA AKTIF

## Pendedahan Tambahan untuk Takafulink Dana Aktif

Takafulink Dana Aktif disalurkan ke dalam Dana Eastspring Investments Islamic Small-cap, yang diuruskan oleh Eastspring Investments Berhad (Pengurus Dana Sasaran).

Sila ambil perhatian bahawa anda akan dikenakan caj tahunan *Wakalah* pengurusan aset sebanyak 1.5% pada peringkat Dana dan tiada caj tahunan *Wakalah* pengurusan aset pada peringkat Dana Sasaran.

## Prestasi Dana

Tahun	Prestasi Sebenar	Tanda Aras^^
2022	(3.99%)	(7.87%)
2021	(4.14%)	(0.88%)
2020	4.29%	19.84%
2019	16.49%	21.56%
2018*	(4.01%)	(10.38%)

\* Takafulink Dana Aktif dilancarkan pada 30 Oktober 2018. Prestasi dana adalah dari tarikh pelancaran dana sehingga akhir tahun bagi tahun yang sama (pulangan bukan tahunan).

^^80% Indeks Syariah FTSE Bursa Malaysia Small-cap + 20% FTSE Emas Bursa Malaysia. (Tanda aras prestasi akan digantikan dengan Indeks Syariah FTSE Bursa Malaysia Small-cap berkuatkuasa mulai 1 Februari 2023).

Prestasi Dana untuk Dana Sasaran, Eastspring Investments Islamic Small-cap pada 31 Disember 2022 adalah seperti berikut:

Tahun	2022	2021	2020	2019	2018	2017
Prestasi Bersih (%)	(4.19)	(4.69)	3.93	20.80	(20.73)	9.04^

^ Prestasi dana adalah dari tarikh pelancaran dana sehingga akhir tahun bagi tahun yang sama (pulangan bukan tahunan).

Nota:

- Dana Eastspring Investments Islamic Small-cap telah dilancarkan pada 25 Mei 2017.
- Prestasi dikira pada NAV<sup>n</sup> tahun n-1 hingga NAV<sup>n</sup> tahun asas n dengan pendapatan kasar atau dividen yang dilaburkan semula.
- 80% Indeks Syariah FTSE Bursa Malaysia Small-cap + 20% Indeks Syariah Emas Bursa Malaysia (FTSE).
- Untuk maklumat lanjut berkenaan Dana Sasaran, sila rujuk <http://www.eastspring.com>. (Tanda aras prestasi akan digantikan dengan Indeks Syariah FTSE Bursa Malaysia Small-cap berkuatkuasa mulai 1 Februari 2023).

\* NAV di sini merujuk pada Nilai Aset Bersih Dana Sasaran.

Asas pengiraan prestasi sebelumnya:

$$= \frac{\text{NAV}^* \text{ untuk tahun } n}{\text{NAV}^* \text{ untuk tahun } n-1} \% - 100\%$$

\* NAV di sini merujuk pada Nilai Aset Bersih Dana.

**Nota Penting:** Prestasi lampau Dana bukan satu petunjuk untuk prestasi masa hadapan. Ini adalah prestasi untuk dana pelaburan semata-mata dan bukan pulangan yang diperolehi daripada sumbangan sebenar yang dibayar untuk produk takaful berkaitan pelaburan.

# TAKAFULINK DANA AKTIF

## Harga Hadapan

Unit diwujudkan dan dibatalkan pada tarikh penentuan harga berikutnya selepas penerimaan sumbangan atau pemberitahuan tuntutan.

## Faktor Risiko

Sila rujuk pada butiran Faktor Risiko yang dinyatakan di bawah:

- **Risiko Pasaran**

Risiko pasaran merujuk kepada potensi kerugian yang berkemungkinan timbul akibat perubahan ketara dalam suasana pasaran. Secara umumnya, keadaan pasaran, dipengaruhi pelbagai faktor termasuk kestabilan ekonomi dan politik. Sekiranya pasaran di mana Dana dilaburkan mengalami kemerosotan akibat keadaan ekonomi atau ketidakstabilan politik, ia boleh memberi impak kepada harga pasaran pelaburan Dana.

- **Risiko Kecairan**

Risiko kecairan merujuk kepada dua senario. Senario pertama adalah di mana sekuriti patuh Syariah tidak dapat dijual kerana ketiadaan pembeli untuk pelaburan tersebut. Senario kedua pula adalah di mana pelaburan tersebut kurang didagangkan. Ia boleh menyebabkan Dana melupuskan pelaburan tersebut di pasaran pada harga yang tidak memberangsangkan dan memberi kesan buruk pada pelaburan yang dibuat oleh peserta. Risiko kecairan boleh dikurangkan melalui proses pemilihan sekuriti cair yang ketat dan pemantauan aktif.

- **Risiko Sekuriti**

Harga sekuriti patuh Syariah tertentu boleh berubah mengikut keadaan yang menjejaskan syarikat-syarikat. Sebarang pergerakan ketara dalam harga sesuatu sekuriti patuh Syariah yang dilaburkan oleh Dana boleh menjejaskan NAV Dana. Pengurus Dana akan berusaha untuk mengurangkan kesan risiko sekuriti patuh Syariah berkenaan dengan mempelbagaikan portfolio.

- **Risiko Ketidapatuhan**

Ketidapatuhan kepada undang-undang, peraturan, syarat, resolusi Syariah, amalan baik, dasar dan prosedur dalaman boleh mengakibatkan pengawasan dari pihak berkuasa, mengancam reputasi dan mengurangkan potensi pengembangan Dana. Matlamat pelaburan juga mungkin terjejas sekiranya Pengurus Dana tidak mematuhi mandat pelaburan. Untuk mengurangkan risiko ini, Pengurus Dana mempunyai kawalan dalaman yang ketat dan perlu memastikan pematuhan berterusan dengan undang-undang, peraturan, syarat, resolusi Syariah, amalan baik dan polisi dalaman serta prosedur yang ditetapkan oleh Pengurus Dana.

# TAKAFULINK DANA AKTIF

## Faktor Risiko

- **Risiko Syarikat Pengurusan**

Prestasi Dana bergantung kepada pengalaman, kepakaran dan pengetahuan syarikat pengurusan. Sekiranya syarikat pengurusan mempunyai sebarang kekurangan yang berkaitan dengan mana-mana kualiti di atas, ia boleh menjejaskan prestasi Dana.

- **Risiko Inflasi**

Risiko ini merujuk kepada risiko di mana pelaburan oleh pelabur dalam Dana mungkin tidak berkembang atau tidak menjana pendapatan yang seiring dengan inflasi, sekaligus menyebabkan pengurangan kuasa pembelian pelabur walaupun dari sudut kewangan, pelaburan tersebut mungkin telah meningkat.

- **Risiko Pengkelasan Semula Status Syariah**

Ini adalah risiko di mana sekuriti ekuiti patuh Syariah yang sedang dipegang dalam Dana Sasaran boleh dikelaskan semula sebagai tidak patuh Syariah selepas semakan berkala sekuriti tersebut dilakukan oleh Majlis Penasihat Syariah Suruhanjaya Sekuriti atau Penasihat Syariah. Jika ia berlaku, Pengurus Dana Sasaran akan mengambil langkah yang perlu untuk melupuskan sekuriti tersebut. Peluang kerugian boleh berlaku akibat sekatan ke atas Dana Sasaran untuk menyimpan lebih keuntungan modal yang diperolehi daripada pelupusan ekuiti yang dikelaskan semula sebagai tidak patuh Syariah. Jika ia berlaku, Dana Sasaran perlu:

- i. melupuskan sekuriti berkenaan dengan kadar segera atau dalam masa satu (1) bulan kalendar jika nilai sekuriti melebihi atau bersamaan dengan kos pelaburan pada tarikh kuat kuasa pengkelasan semula Senarai Sekuriti Patuh Syariah ("Pengkelasan Semula") yang dikeluarkan oleh Majlis Penasihat Syariah Suruhanjaya Sekuriti atau tarikh semakan ("Semakan") daripada Penasihat Syariah. Dana Sasaran dibenarkan untuk menyimpan dividen yang diterima dan lebih keuntungan modal daripada pelupusan sekuriti sehingga pada tarikh kuat kuasa pengkelasan semula atau penilaian semula. Bagaimanapun, sebarang dividen yang diterima dan lebih keuntungan modal daripada pelupusan sekuriti tidak patuh Syariah selepas tarikh kuat kuasa pengkelasan semula hendaklah disalurkan kepada baitulmal dan/atau badan amal yang diluluskan;
- ii. untuk memegang sekuriti tersebut jika nilai sekuriti di bawah kos pelaburan pada hari dagangan terakhir sebelum tarikh kuat kuasa pengkelasan atau penilaian semula sehingga jumlah dividen berikutnya yang diterima (jika ada) dan harga pasaran sekuriti bersamaan dengan kos pelaburan di mana pelupusan perlu dilakukan dalam tempoh satu (1) bulan kalendar, keuntungan modal (jika ada) daripada pelupusan sekuriti tersebut hendaklah disalurkan ke baitulmal dan/atau badan amal yang diluluskan oleh Penasihat Syariah; atau
- iii. untuk melupuskan sekuriti tersebut pada harga lebih rendah berbanding kos pelaburan yang akan menyebabkan pengurangan nilai Dana Sasaran.

# TAKAFULINK DANA AKTIF

## Faktor Risiko

- **Risiko Kadar Faedah**

Secara amnya, penilaian sukuk akan bergerak secara songsang mengikut pergerakan kadar faedah. Oleh itu, penilaian untuk sukuk mungkin jatuh semasa faedah meningkat dan sebaliknya. Sekiranya Dana menyimpan sukuk hingga ia matang, pergerakan turun naik ini akan berkurangan apabila sukuk menghampiri tempoh matang. Untuk mengurangkan kesan pergerakan kadar faedah, Pengurus Dana akan menguruskan tempoh portfolio dengan mempelbagaikan tempoh pelaburan sukuk Dana berdasarkan pandangan Pengurus Dana mengenai masa hadapan kadar faedah.

Kadar faedah adalah petunjuk umum ekonomi yang akan memberi kesan ke atas pengurusan Dana tanpa mengambilkira sama ada dana Islamik atau sebaliknya. Ia bukan sama sekali menyaranan agar Dana melabur dalam instrumen kewangan konvensional. Semua pelaburan yang dilaksanakan untuk Dana adalah selaras dengan kepatuhan Syariah.

- **Risiko Kredit/Keingkar**

Risiko ini merujuk kepada ketidakupayaan penerbit sukuk yang dipegang oleh Dana untuk membuat bayaran prinsipal atau keuntungan apabila matang. Sekiranya penerbit ingkar dalam membuat pembayaran prinsipal atau keuntungan, nilai Dana akan terjejas. Pengurus Dana akan mengurangkan risiko kredit/keingkar Dana dengan melakukan penyelidikan berterusan ke atas kredit dan analisis untuk menentukan kedudukan kredit penerbit. Risiko ini dapat dikurangkan melalui pelaburan dalam sukuk dengan penarafan kredit minimum A3 dan P3 atau penarafan setara oleh agensi-agensi penarafan kredit yang diiktiraf di Malaysia atau di peringkat antarabangsa.

- **Risiko Pengurusan Dana Sasaran**

Walaupun Pengurus Dana akan menggunakan kemahiran dan ketelitian untuk memilih Dana Sasaran, ia tidak mempunyai kawalan ke atas pengurusan Dana Sasaran dan tiada jaminan bahawa objektif pelaburan akan dicapai. Ini boleh mengakibatkan pelabur mengalami kerugian bagi pelaburan mereka di dalam Dana.

Dana Sasaran mungkin mengubah objektifnya dan menjadi tidak selaras dengan objektif Dana. Dalam keadaan tersebut, Pengurus Dana akan menggantikan Dana Sasaran tersebut dengan dana pelaburan kolektif Islamik lain yang dianggap lebih sesuai oleh Pengurus Dana untuk memenuhi objektif Dana. Pemegang unit akan diberitahu mengenai pertukaran tersebut.

*Nota: Perkara di atas tidak harus dianggap sebagai senarai lengkap risiko yang harus dipertimbangkan peserta sebelum melabur dalam Dana. Peserta perlu sedar bahawa pelaburan dalam Dana mungkin terdedah kepada risiko lain dari semasa ke semasa. Peserta harus berunding dengan penasihat profesional untuk memahami risiko-risiko dengan lebih baik.*

# TAKAFULINK DANA AKTIF

---

## Strategi Pengurusan Risiko

Strategi pengurusan risiko yang diguna pakai oleh Pengurus Dana termasuk yang berikut:-

- Memantau keadaan pasaran dan ekonomi;
- Memantau kepatuhan objektif dan sekatan serta batasan bagi Dana;
- Memantau prestasi Dana;
- Mengambil posisi defensif sementara apabila perlu; dan
- Menyalur dan melaporkan hal pelaburan kepada jawatankuasa pelaburan, pasukan pengurusan kanan, jawatankuasa audit, jawatankuasa Syariah dan lembaga pengarah.



## TAKAFULINK DANA AKTIF

Maklumat Lain	
Pasaran Sasaran	Peserta yang mempunyai toleransi risiko yang tinggi dan jangka masa pelaburan yang panjang.
Dasar & Kekerapan Penilaian Unit	<ul style="list-style-type: none"><li>• Penentuan harga unit dilakukan setiap hari.</li><li>• Harga unit dikira berdasarkan pada nilai pasaran aset-aset asas bagi Dana, dibahagikan dengan bilangan unit yang dikeluarkan.</li><li>• Dana tidak membayar sebarang dividen. Semua pendapatan dan keuntungan modal secara automatik dilabur semula dalam harga unitnya.</li><li>• Harga unit ialah harga tunggal di mana unit diwujudkan dan dibatalkan.</li><li>• Harga unit Dana akan dinilai pada akhir setiap hari perniagaan (Tarikh Penilaian), Bagaimanapun, oleh kerana nilai pelaburan Dana semasa akhir Tarikh Penilaian berkaitan hanya akan diketahui pada hari perniagaan seterusnya, penentuan harga unit Dana untuk Tarikh Penilaian berkenaan hanya akan diterbitkan dan dimaklumkan selepas 2 hari perniagaan seterusnya (T+2).</li></ul>
Keadaan Pengecualian	<ul style="list-style-type: none"><li>• PruBSN boleh menggantung harga unit dan menangguhkan penerbitan atau penebusan unit, mahupun beralih kepada mana-mana dana di bawah Dana ini untuk tempoh yang munasabah, misalnya intervensi yang mengakibatkan penutupan sementara mana-mana bursa saham atau penggantungan saham tertentu di mana Dana dilaburkan. Dalam keadaan sedemikian, notis untuk penggantungan mungkin dikeluarkan dan mungkin diberitahu kepada peserta bagi permintaan untuk penambahan, pertukaran, penebusan atau pengeluaran kepada/dari mana-mana dana Takafulink tersebut.</li><li>• PruBSN boleh menggantung penentuan harga unit dan urus niaga sijil jika Pengurus Dana Sasaran menggantung langganan kepada Dana Sasaran tersebut.</li></ul>

# TAKAFULINK DANA AKTIF

---

## Maklumat Mengenai Dana Sasaran

### Dana Eastspring Investments Islamic Small-cap

#### Strategi Pelaburan

Dana Sasaran bertujuan untuk mencapai objektif dengan melabur dalam ekuiti patuh Syariah dan sekuriti berkaitan ekuiti patuh Syariah, seperti terbitan hak patuh Syariah dan waran patuh Syariah dalam syarikat bermodal kecil yang tersenarai di Malaysia dengan permodalan pasaran sehingga RM5 bilion. Apabila permodalan pasaran syarikat-syarikat dalam portfolio ini meningkat melebihi RM5 bilion selepas tarikh pengambilalihan, Dana Sasaran tidak akan menambah pegangannya dalam ekuiti patuh Syariah dan sekuriti berkaitan ekuiti patuh Syariah syarikat tersebut. Bagaimanapun, Dana Sasaran boleh mengekalkan pelaburannya dalam ekuiti patuh Syariah dan sekuriti berkaitan ekuiti patuh Syariah dalam portfolio Dana Sasaran yang telah berkembang dalam tempoh tersebut.

Bagi mengenal pasti syarikat tersebut, Pengurus Dana Sasaran akan melaksanakan penyelidikan dasar secara sistematik dan penilaian berasaskan pelaburan di mana kualiti pengurusan, kukuh model perniagaan, dinamik industri, pemacu keuntungan dan kelangsungan perolehan dinilai agar dapat mengenal pasti saham-saham yang telah terkurang nilai oleh pasaran dan menggunakan sepenuhnya peluang yang tersedia. Dana Sasaran diuruskan secara aktif. Bagaimanapun, kekerapan aktiviti dagangan bergantung kepada peluang pasaran dan penilaian oleh Pengurus Dana Sasaran.

*Nota: Permodalan pasaran kecil bermaksud syarikat-syarikat yang tersenarai di Malaysia dengan permodalan pasaran sehingga RM5 bilion semasa pengambilalihan.*

Penafian:

Helaian fakta dana utama ini disediakan oleh Prudential BSN Takaful Berhad (PruBSN) untuk maklumat am dan tujuan ilustrasi sahaja dan tidak sepatutnya dijadikan asas untuk membuat keputusan pelaburan, kewangan atau keputusan-keputusan lain. Walaupun bahan-bahan yang digunakan dalam penyediaan profil dana ini diperolehi daripada sumber-sumber yang boleh dipercayai, PruBSN tidak menjamin ketepatan dan kesempurnaan maklumat. Sebarang analisis dan pendapat yang dinyatakan adalah tertakluk kepada perubahan tanpa notis. Prestasi masa lalu tidak menjamin keputusan masa hadapan. Para pembaca dinasihatkan untuk menghubungi PruBSN atau ejen-ejennya untuk butiran lanjut dan penjelasan maklumat yang berkaitan dengan produk yang ditawarkan oleh kami. PruBSN dan mana-mana syarikatnya yang berkaitan menafikan sebarang liabiliti walau apa pun sifatnya, sekiranya para pembaca mengalami kerugian apabila mereka hanya bergantung kepada kandungan maklumat di dalam profil dana ini.

**TAKAFUL**  
Untuk Semua. Untuk Kehidupan

Prudential BSN Takaful Berhad merupakan Pengendali Takaful yang berdaftar di bawah Akta Perkhidmatan Kewangan Islam 2013 dan dikawal selia oleh Bank Negara Malaysia.

**Prudential BSN Takaful Berhad 200601020898 (740651-H)**  
Level 13, Menara Prudential, Persiaran TRX Barat, 55188 Tun Razak Exchange, Kuala Lumpur.

Talian Khidmat Pelanggan: +603 2775 7188

E-mel: [customer@prubsn.com.my](mailto:customer@prubsn.com.my)

[www.prubsn.com.my](http://www.prubsn.com.my)



*Semua maklumat dianggap sah pada tarikh penerbitan.  
Terbitan Mac 2023*